

**BOSNA I HERCEGOVINA**  
**FEDERACIJA BOSNE I HERCEGOVINE**  
**UNSKO-SANSKI KANTON**  
**GRAD BIHAĆ**  
**GRADONAČELNIK**

Broj: 04/1-23-5-29/18  
Bihać, 11.04.2018. godine

Na osnovu člana 183. stav (2) Poslovnika Gradskog vijeća Bihać („Službeni glasnik Grada Bihaća“ broj 3/16), Gradonačelnik Bihaća u svojstvu predlagača propisa i drugih akata

**O D R E Đ U J E**

Izjestioca: dr.sci. Čizmić Zlatan, na sjednici Gradskog vijeća i radnim tijelima po prijedlogu tačke dnevnog reda:

- Prijedlog Odluke o izmjeni i dopunama Odluke o javnim parkiralištima na području grada Bihaća

Gradonačelnik  
Šuhret Fazlić

**BOSNA I HERCEGOVINA**  
**FEDERACIJA BOSNE I HERCEGOVINE**  
**UNSKO – SANSKI KANTON**  
**GRAD BIHAĆ**  
**GRADONAČELNIK**

Služba za komunalne djelatnosti, vode,  
zaštitu okoliša i inspeksijske poslove  
Broj: 04/1-23-5-29/18  
Bihać, 11.04.2018.godine

Na osnovu člana 52. tačka a) Statuta Grada Bihaća ("Službeni glasnik Grada Bihaća" broj: 13/15), dostavljam vam Prijedlog Odluke o izmjeni i dopunama Odluke o javnim parkiralištima na području grada Bihaća, na razmatranje radi donošenja.

**O b r a z l o ž e n j e**

*Pravni osnov za donošenje:*

Pravni osnov za donošenje prijedloga Odluke o izmjeni i dopunama Odluke o javnim parkiralištima na području grada Bihaća, sadržan je u:

-članu 58. Zakona o komunalnim djelatnostima ("Službeni glasnik USK", broj: 4/11, 11/11, 6/12 i 13/12), kojim je, između ostalog, propisano da se posebnom općinskom odlukom reguliše obavljanje djelatnosti javnih parking prostora i

-članu 35. tačka c) Statuta Grada Bihaća ("Službeni glasnik Grada Bihaća", br: 13/15), kojim je propisano da Gradsko vijeće, u okviru svoje nadležnosti, donosi odluke i druge opće akte kojima uređuje pitanja iz samoupravnog djelokruga Grada i daje njihovo tumačenje.

*Razlozi donošenja:*

Izradi prijedloga Odluke o izmjeni i dopunama Odluke o javnim parkiralištima na području grada Bihaća („Službeni glasnik Grada Bihaća”, br: 1/15, 1/16 i 6/16), pristupilo se iz sljedećih razloga:

-što su u toku provođenja Odluke, predlagač i Služba za komunalne djelatnosti, vode, zaštitu okoliša i inspeksijske poslove zaprimili više usmenih prijava građana nastanjenih u naselju Ozimice I, da se javna površina između ulice Murat bega Ibrahimpašića i ulice Fehmije Džabića, a koja je u prethodnom periodu bila pješačka zona, odnosno asfaltirana pješačka staza sa javnom zelenom površinom, koristi kao parking prostor. Kako se na navedenoj površini parkiraju motorna vozila korisnika usluga okolnih trgovačkih marketa i ugostiteljskih objekata, Služba za komunalne djelatnosti, vode, zaštitu okoliša i inspeksijske poslove je u saradnji sa JU "Zavod za prostorno uređenje" Bihać i Odsjekom za inspeksijske

poslove u više navrata pokušavala spriječiti parkiranje vozila na pješačkoj zoni, vršenjem inspekcijuskog nadzora, kao i postavljanjem različitih prepreka za vozila, te zaštitne ograde, što je u veoma kratkom roku vandalski uništeno i uklonjeno od strane nepoznatih lica.

Cijeneći sve navedeno, a imajući u vidu i opravdanu potrebu za otvaranjem nove površine za parkiranje vozila u naselju Ozimice I, predlažem da se navedena površina uvrsti u Aneks I predmetne Odluke, kao javno parkiralište uz naplatu parkiranja u II zoni.

- što je u toku provođenja Odluke predlagač zaprimio inicijativu Kantonalnog tužilaštva Unsko-sanskog kantona, broj: A-886/17 od 01.10.2017. godine, kojom se traži izmjena predmetne Odluke, konkretno smanjenje osam parking mjesta na javnom parking u ulici Pape Ivana Pavla II (četiri parking mjesta uz samu zgradu Tužilaštva i četiri parking mjesta uz zgradu Grada Bihaća), kao i uvrštavanje službenih vozila Kantonalnog tužilaštva USK-a u član 17. i član 26. Odluke, kojima je određenim državnim tijelima i javnim službama tokom provođenja interventnih akcija omogućeno korištenje javnog parkinga i parkinga za stanare bez parkirne karte, odnosno vinjete.

Predlagač smatra podnešenu inicijativu opravdanom, obzirom da je Kantonalno tužilaštvo USK-a državno tijelo koje, između ostalog, obavlja istražne radnje i vrši gonjenje osoba za koje se osnovano sumnja da su počinile krivična djela, da je neposredno nadređeno ovlaštenim službenim licima KMUP-a kod vođenja istraga i uviđajnih radnji radi čega treba imati isti status u smislu predmetne Odluke, a posebno imajući u vidu aspekt sigurnosti tužilaca i drugog osoblja tužilaštva u obavljanju svakodnevnih poslova.

Radi gore navedenog, predlažem Gradskom vijeću Bihać usvajanje prijedloga Odluke o izmjeni i dopunama Odluke o javnim parkiralištima na području grada Bihaća, kao u predloženom tekstu.

#### *Potrebna finansijska sredstva*

Za provođenje ove Odluke nije potrebno obezbjediti finansijska sredstva u Budžetu Grada Bihaća.

#### Prilog:

1. Inicijativa Kantonalnog tužilaštva USK-a
2. Prijedlog Odluke o izmjeni i dopunama Odluke o javnim parkiralištima na području grada Bihaća
3. Odluka o javnim parkiralištima na području grada Bihaća („Službeni glasnik Grada Bihaća”, br: 1/15, 1/16 i 6/16)

Obradivač:  
Elvira Hadžić, dipl.pravnik

Gradonačelnik  
Šuhret Fazlić

Na osnovu člana 58. stav (1) tačka h) Zakona o komunalnim djelatnostima („Službeni glasnik USK“, br: 4/11, 11/11, 6/12 i 13/12) i člana 35. tačka c) Statuta Grada Bihaća („Službeni glasnik Grada Bihaća” broj 13/15), Gradsko vijeće Bihać \_\_\_\_\_ sjednici održanoj dana \_\_\_\_\_ godine, donosi

## Odluku

o izmjeni i dopunama Odluke o javnim parkiralištima na području grada Bihaća

### Član 1.

U Odluci o javnim parkiralištima na području grada Bihaća („Službeni glasnik Grada Bihaća“, br: 1/15, 1/16 i 6/16), u članovima 17. i 26. iza tačke e) dodaje se nova tačka f) koja glasi:

„f) službenim vozilima Kantonalnog tužilaštva Unsko-sanskog kantona“.

### Član 2.

U nazivu DIO ČETVRTI-USLOVI I NAČIN KORIŠTENJA PARKING POVRŠINA NAMIJENJENIH ZA PARKIRANJE VOZILA STANARA U OBJEKTIMA KOLEKTIVNOG STANOVANJA, iza riječi „stanovanja“ dodaju se riječi: „I POSLOVNIH SUBJEKATA“

### Član 3.

U članu 19. stavu (1) iza riječi „stanovanja“ dodaju se riječi: „i poslovnih subjekata“.

### Član 4.

U Aneksu I, Dio C – JAVNA PARKIRALIŠTA U ZONI II, dodaje se redni broj 5. koji glasi:

„5. Parking prostor između ulice Murat bega Ibrahimpašića i ulice Fehmije Džabića, sa lijeve strane posmatrano iz pravca ulice Murat bega Ibrahimpašića, Šifra parkinga 005-IIZ, Broj parking mjesta 15“.

### Član 5.

U Aneksu I, Dio A – JAVNA PARKIRALIŠTA U NULTOJ ZONI, u koloni Broj parking mjesta, pod rednim brojem 4., umjesto brojčane oznake „21“ treba da stoji brojčana oznaka „13“.

Član 6.

Ova Odluka stupa na snagu osmog dana od dana objavljivanja u „Službenom glasniku Grada Bihaća“.

Gradsko vijeće

Broj: GV-

Bihać, \_\_\_\_\_2018.godine

Predsjedavajući Gradskog vijeća

Davor Župa